

鳳臺縣志卷之十二

廟祠

關帝廟舊在府署大門東雍正七年知府許日熾移建東門大十字街迤東建 三代祠西建道院後建春秋閣關帝祠在夫妻嶺內有元碑

風伯雨師廟宋大中祥符初澤州請立祠

八蜡廟在城南關偏西劉將軍并祀

濟瀆廟在城西關外五里許

旗纛廟在舊寧山衛內祀軍牙六纛之神

鳳臺縣志

卷之十一

廟祠

一

府城隍廟在城內西洪武二年知州李祥建指揮李諒知州孫康朱舜民重修 國朝邑人王廷掄等再修乾隆癸卯年間知府姚學瑛復修

縣城隍廟在縣治西南知縣錢汝霖林荔先後建修

府土地祠在府署內儀門東嘉靖年知州王好學建

縣土地祠在縣署內儀門外東

湯王廟城外數十處其最著者城東十五里烏政館有元劉德盛至大年間碑城東南三十里招賢館城東北七里崇素館城西半里許聖王館別有白洋泉館不在四

館之數又小析山廟有四泉元碑三又甘潤村廟有唐武后時斷石經幢或者爲古寺也又大陽鎮廟有宋進士劉泳石刻二按元皇慶年間大旱詔天下立成湯廟隨時祈禱而澤州多山礲确易旱立祠獨衆論者以爲始於元時然宋以前已有專祠固不自元始禱雨析城之說訛傳已久則桑林之說亦姑存其舊云

三義廟在東淑村廟北後有隋開皇五年石幢

三忠廟城南關祀漢諸葛武侯亮唐李衛公靖宋文丞相天祥舊爲宋神銳營天王堂有宋元祐碑今改建三忠

鳳臺縣志

卷之十一

廟祠

二

廟

李衛公廟在晉普山

玉皇廟城內有三城外著者二爲府城鎮外有唐人石幢內有宋元碑五一在龐家圪塔廟門外有晉天福宋紹聖石塔記二

三皇閣在府治東

東西天王廟在南門裡皆宋時建

東嶽廟在東門外

元武廟在城南關

三官廟城南關

廉將軍廟在固山上年月無可考傳爲廉頗堅壁拒秦地塑像竒古非近今所及

魏孝文帝廟魏宣帝時奉詔所立唐咸通漢乾祐年重修宋大中祥符元年復修彭城劉淳文記在龍門東岸北坡頭亦有廟建修年月莫考

梁甫廟在城南城東十五里宋建元重修李俊民有記三巖廟在城東北二十里盤龍山後晉建金進士盧燥有記

鳳臺縣志

卷之十一

廟祠

三

楚王廟在石室嶺祀澤王璆

王武侯祠本祀秦王剪土人改祀符秦王猛

周孝侯祠祀晉周處墓在祠後辨証別見瑩墓

眞君廟俗名二郎祀隋趙昱在南關內有嶽神天仙關帝湯王廟元延祐間因小析山禱雨有應鼎建湯王廟李莊靖俊民有記係元延祐年後人改攬重刻見金石考

旌忠廟城東關祀後唐裴約宋王孝迪建內有宋政和年間賜額及諭祭文中書省故牒金刺史許安仁書摹勤於石

二程先生祠在學宮西元郝經記今祇存明道像先生  
令晉城雍正年間知府朱樟重葺有記

七賢祠在體仁書院祀周濂溪敦頤二程明道顥伊川頤  
邵康節雍張橫渠載呂進伯大忠呂東萊祖謙陳廷敬

記

張忠公祠在府治北祀明忠臣張昱知州王朝雍建

旌忠祠在大陽鎮祀明忠臣孟陽

二王公祠一在南關祀知州王所用一在西關祀知州王  
孕長

鳳臺縣志

卷之十一

廟祀

四

賢侯祠在南關祀知州許維新邵鳳翼劉民瞻黃圖昌孫  
不承官于宣倫可大

寺觀

廣教寺在城中和坊宋建明賜名普定寺指揮胡景印置

大藏經一藏

普陀寺在城淳化坊明建

高臺寺在城北福星坊唐建天啟中韓尼有碑記

勝因寺在城南二里明正統年間有碑

寶山寺在城西南五里唐建碑碣無可考

碧落寺在城北十五里碧落山唐黃國公譔爲其妣妃子  
福建有彌勒石佛像磨崖碑疑李譔自行篆書宋宋敏  
求以隸書作釋文佛像後有北魏孝昌唐武侯萬歲通  
天時及金刺史許安仁記卽唐陳子昂石佛閣題詩處  
白馬寺在城北十五里司馬山舊志云明建金李俊民詩  
已稱千年古廟非自明始也

藏陰寺青蓮東五里北齊僧曇始建寺或云卽丹谷非是  
內有唐寶 元年二年宋景德年碑記

青蓮寺在城東南三十五里峽石山隋惠遠說法道場宋

鳳臺縣志

卷之十一

寺觀

五

賜名福巖院寺有擲筆臺僧惠遠注涅槃經成擲筆處  
院藏經七百函合五千卷外藏貝葉真經唐宋以來經  
幢塔碑碣計二十八種

香爐寺在城南三十里香爐山元建

乾明寺在城西北三十里可寒山唐天祐十四年建裴騫

云唐末避兵地後興造以報佛恩又名報恩禪院

元泉寺在城北五十里舊志云唐建內有至道元年勅賜

普濟石牒有晉天福石幢漢乾祐石幢元至正碑

普照寺二一在縣南六十里月院山金建一在城北巴公

鎮有金牒曰普照不詳所始

崇壽寺在城北郟村後魏建內有北魏碑三字已漫滅唐石幢二宋天聖卧碑及金定興元皇慶碑寺西二里許石佛巖又右北魏唐天祐宋端拱石刻詳見輯錄

香山寺城西北五十里亦名香爐寺不知所自據明碑云鄉人掘地得古碣僅存年號數字創於唐明宗四年僧保福勅建於宋仁宗二年上有虎跑泉

資聖寺在城北大陽鎮舊志云北齊建無可考有宋天禧四年牒

鳳臺縣志

卷之十一

寺觀

六

顯慶寺在城東金村後趙建

松林寺在城西南晉普山下一名靈巖寺一名法輪禪院有宋四石幢金元碑額明釋法亮於南都造藏經六千四百卷六百四函建塔藏之劉龍有記金楊庭秀碑云創自隋時慧觀頭陀

聖樂寺在城西五十里洞陽山唐建

廣福寺在城西周村鎮舊志云唐建內有唐天復三年石幢原名寶林寺又有石幢稱大齊壬申似建自北齊金牒始改廣福

普覺寺在城北四義村舊志云唐建無可考內有金牒

景德寺在城東高都鎮舊志云唐建舊名慈善內有宋牒  
大乘寺在城北板橋村元建

香烟寺在城南上元社舊志云元建無可考內有宋建隆  
二年石塔記

壽勝寺在城東張莊村元建

淨影寺在城東南九十里蟠龍山爲青蓮寺下院隋開皇  
年高僧惠遠法社一名金門寺一作金燈寺金趙秉文  
元好問寓此完顏琦聞趙閑閑起爲翰林有寶巖崆谷

鳳臺縣志

卷之十一

寺觀

七

西窻夢之句元遺山有寶巖紀行詩

開元寺在城東南隅唐建今廢爲民居內有李嗣昭所範  
銅鐘移置元妙觀

雙林寺在城東南六十里太行之中碑云東九仙臺西文  
殊澗南黑龍窟北黃龍潭唐天寶年戶部郎中秦居士  
建明季重修巡撫苗胙土有記

興善寺在城西四十里岳神山之陽據明碑云北齊鄉進  
士趙用同本空和尚建碑已無考有宋咸平乙亥石幢  
聖公寺在城西長河北

落花寺在城西岡頭村內有泉水穿山過花隨水流故名  
舊名錦溪

龍華寺在城西岡頭村 國朝建

眞容寺在城北坡頭村

琵琶寺在城南十五里有金大定年石幢大安年卧碑

觀音堂在洞子巖有後晉天福年間碑

佛堂溝在城西北三十里鑿山爲像有金大定間石壁記

天慶觀今名元妙觀移開元寺銅鐘於內宋祥符間詔天

下州縣立天慶道院內有政和年蔡京書額司土曹李

鳳臺縣志

卷之十一

寺觀

八

倪碑紹聖間郡守倅題名記金大定時吳薰訪潛叟道人喬可度題寒碧軒詩碑元建修文昌閣記後有唐天寶十二載石幢疑亦開元寺所移也

二仙廟在城東三十里山頭里南有宋紹聖七年碑衛尙撰大觀元年碑苟顯忠撰

二仙館在城東北三十里祀樂氏二女有宋開寶七年碑記金明昌定中宮銘大德題名記

祥觀在城西周村鎮金建外有元至正間孟尹去思碑  
虛觀在城東北李村金建



洞陽觀在城西馬平村金建

太平觀在城西辛壁村元建

修真觀在縣西上町社二張仙翁一名崇真一名道温同

結茆於此後坐蛻瘞之同穴內有周廣順石幢金元碑

記

玉華觀在城西葦町村元建

會真觀二一在城東水北村金通微子杜志元捨宅地爲

樂真菴後改爲會真觀狀元李俊民有記其一在郟村

清震觀在東四義村有天寶元年石幢或者舊寺也

鳳臺縣志

卷之十一

寺觀

九

純陽觀在城西下村

雲真觀在城北車渠村

集真觀在城西四十五里內有至正年碑泰和丙戌碑碑

陰有詞三十首

五龍宮在城西南二里許白水濱唐刺史温璠建碑云遇

旱淘取神水甘霖降後鑄鐵牌一上列年月投池中以

答神貺傳爲古龍潭內有宋天聖及金元碑

太和宮在城福星坊明建

神霄宮在城南上輦村明建

靜樂宮在城東南金村明建

聖臨菴東四義村有斷石幢上刻佛像係唐宣宗大中年

問心菴在城西關 國朝建

彌陀菴在城東關 國朝建

延慶菴在城南關明建

水陸禪院在城東南隅

十方禪院在城東關

古蹟

媧皇窟城東浮山北谷空虛如囊傳卽煉石補天處谷祀

鳳臺縣志

卷之十一

寺觀

十

媧皇山祀伏羲宋崔公度感山賦序云太行山一名皇  
母一名女媧洪荒之談非所據也

禹跡邑東南二十五里太行山北有龍門峽兩山中分丹  
水迅流傳爲禹所鑿故因名龍門東有魏孝文帝廟或  
因孝文自平陽由龍門入洛而附會之與

垂棘路史云夏帝履癸始遷於垂註謂天門在澤之晉城  
又戰國策桀居天井卽天門也東漢地里志云博物記  
曰高都縣南地名卽垂垂棘之壁出此今有巖洞大石  
自閉

桑林府志云在城北伊侯山程明道遺書澤州北望有桑林并謂伊尹空桑考桑林空桑應在亳莘等處金李俊民湯祠靈應記已云不詳所始姑存其說云

鐸遏父本赤翟別種春秋初據此爲晉所滅今訛作奪火孔子迴車轍跡邑南四十五里天井關石路轍跡迴環傳爲臨河返駕處考廟碑孔氏官洛陽遷山下追思先聖立廟奉祀後人因之附會也明陳棐有迴車解

巴公原邑北三十五里巴公周同姓國四州文獻云晉文公西伐巴蜀遷巴子於高都謂巴蜀今汾州周世宗自

鳳臺縣志

卷之十一

古蹟

十一

將攻漢劉旻次澤州閱兵於北郊及戰於高原敗之追及高平又敗之高原卽此地

全玉嶺邑東北四十五里莒山左舊志云趙藺相如遣舍人懷璧從間道歸趙之處非所詳也

高都邑東三十里高都村史記索隱曰高誘云高都韓邑所謂以敝高都得完周者考史記秦莊襄王三年蒙驁拔魏高都則高都似屬魏秦漢置縣在今高都村北魏高都在今治不容混也

漢高城邑東南百里酈食其勸漢高祖杜太行之險屯田

於此遺趾尚存

晉城卽北魏高都周建州隋改丹川唐移丹川置晉城皆  
今治也新唐書以爲析丹川置晉城縣府州志俱踵其  
誤

陽阿邑北五十里今大陽鎮漢爲陽阿侯國水經注曰陽  
泉水出鹿臺山其水東逕陽陵城南卽陽阿縣之故城  
也漢高帝七年封下訢爲侯國魏土地記建興郡治陽  
阿縣據大陽北齊碑記稱陽阿故縣土地記似誤

丹川故城後周建高平郡治丹川縣卽今邑內隋爲丹川

鳳臺縣志

卷之十一

古蹟

十二

縣新唐書析丹川置晉城隸建州舊唐書移丹川於源  
澤水北在今高都村當以舊唐書爲是

長連城東南五十里白羊泉府志云魏孝文由龍門入洛  
陽卽此考孝文入洛陽由平陽絳州非此龍門也或鄉  
民避兵所築砦否則宋指揮營也

石佛谷在碧落山有彌勒石像磨崖碑唐李華有詩載藝  
文別見山川寺觀

狄梁公望雲處太行絕頂唐狄仁傑自汴州參軍遷并州  
法曹時親在河陽登山反顧見白雲孤飛曰吾親舍在

其下瞻望久之雲移乃去今名橫望鎮太守朱樟表於石曰狄梁公望雲處

羊腸坂城南三十里屈曲如羊腸卽魏伐趙斷羊腸坂拔闕與處李太白詩五月相呼度太行摧輪不過羊腸苦壺壁在天井關東今爲壺坪村慕容垂入天井關列陣於此破慕容永於河曲

乾河城東南隅傳白水伏流處唐澤潞節度使劉從諫從子正擅留守渠降將言澤州兵萬五千人常分伏山谷今令陳許軍過乾河立寨築夾城環遶澤州可破李德

鳳臺縣志

卷之十一

古蹟

十三

裕因請令王宰於乾河立寨攻克之澤潞平

大會砦距縣四十里宋初征李筠李崇矩等攻大會寨拔之又敗筠於茶碾村茶碾卽碾子谷

隧道五代梁襲晉澤州徐懷玉屯兵守之比晉來圍穴地道攻城牛存節與懷玉亦穴地應兩軍戰於隧中

碾子谷城南二十里宋建隆初後周李筠殺澤州刺史張福據其城因勅石守信進師扼隘勿縱下太行遂破筠三萬衆於澤南卽此

馬牢川一作馬牢關城東南七十里柳樹口北俗名馬

川李存孝擒鄧季筠處

程子鄉校宋治平三年程明道先生來令晉城以五代搶攘子遺瘁苦安定後未識禮讓廼建鄉校七十二處行縣時親爲兒童正句讀春風霽仁所在向化又立社學數十所雖窮鄉曲巷時聞絃誦聲

神銳營城南關遺愛廂宋咸平五年置指揮營於此元祐七年指揮韓秀建天王堂於中今改爲三忠廟祀漢諸葛武侯唐李衛公宋文丞相

白石仙人像不知其名由來莫考舊志云白石先生祠西

鳳臺縣志

卷之十一

古蹟

十四

南三十里玉仙山入洞白石下垂如蓋按像在晉普山別無玉仙山或一山而兩名也

宿鳳臺城北四十里李村舊志云相傳晉武帝太始元年有鳳集於高都之北按晉書太始元年郡國鳳凰見未曾指名高都今以之名縣特存其說云

擲筆臺城東南三十五里硤石山青蓮寺有石臺高數丈頂平如砥高僧惠遠注涅槃經成擲其筆日若䟽義契理筆當駐空已果然因名

北樓唐陳子昂有登澤州城北樓詩載藝文

司徒村唐太常鄉司徒映元進士司徒祖契故里今縣境無司徒氏而司姓頗多或如統譜所稱端木之後爲端顓孫之後爲孫者歟

老子遺像相傳吳道子畫於城內天慶觀刻摹於石像甚奇古有贊數語書法亦遒勁

韓營城北三十里水北村舊志云金末籍民爲兵屯札處元廢爲樂真觀考金俊民會真觀記其地東瀕丹水故曰丹西在水之曲一曰汭曲又曰韓營在金末已莫詳所自未可指爲屯兵所也或云宋節度韓令坤困宋將

鳳臺縣志

卷之十一

古蹟

十五

蔡審定田紹斌攻澤州負傷馳奏太祖領兵過此其說亦未可據 考宋兵制自建隆以逮靖康澤州增立軍營在城內外者咸平中如神銳二營慶歷嘉祐時如威果宣毅五營其他隨時增置如永保招收保節義勇宣勇等營率依山砦鎮堡屯田訓練而統以指揮使隸以都巡檢據宋馬泰天王堂記指揮韓賢韓秀世其職守所謂韓營者其因韓姓而名歟

鶴鳴堂城東南隅金狀元李俊民故居楊果鶴鳴堂記曰段澤州正卿今之賢諸侯也館用章先生而師事之而

以鶴鳴名其堂鶴鳴先生自號也元世祖潛邸時徵之  
有令旨五道碑刻在學官

柳溪城西三里金崇慶同知州事宋雄飛同司戶呂華嘗  
遊此地有碑記在五龍宮

寒碧軒金大定時洛陽吳英菽雪中訪潛叟道人喬可度  
作七言古詩贈之後其門人侯卽與可度臨摹於石詩  
字俱佳今其處翠竹蒼松清陰猶然似昔乃知寒碧之  
名信不虛也

聚樂園城南數里元段長官紹隆別墅晚年嘗與故舊遊

鳳臺縣志

卷之十一

古蹟

十六

宴於此今其處名花園村

西司松郡署西牆外三松節幹竒古郡守朱樟建冬秀亭  
於其中今則亭樹俱無王西樵士祿有澤州使院古松  
詩見藝文

白虎廢驛在城東北二十五里泊南村

塚墓

周藺相如墓在莒山南相如趙人馮亭以上黨歸趙而秦  
旋拔之且高都屬魏并非趙地而墓乃在此非所詳也  
晉平西將軍周處墓相傳在周村西當以常州荆溪縣爲



正然處力戰歿嘗賜葬地一頃則高都或所賜地否則其將士以衣冠招魂葬此

唐將劉友信墓在城西二里

宋崇文院檢討劉羲叟墓在高都鎮羲叟精算術未病嘗曰吾及秋必死自擇於父塚旁古庚穴以語其妻如其言葬之

金狀元李俊民墓在崔莊

威州刺史武僊墓在天井關

章宗元妃李氏墓在庾能村南李氏名師兒卽宮教張

鳳臺縣志

卷之十一

塚墓

十七

建隔紗指字所謂聲音清亮者也明昌四年封昭容明年進淑妃後又進元妃父湘追贈隴西郡公祖曾祖胥追贈而墓在鳳臺可備博考

元澤州長官段直墓在城西中村劉因誌其墓

知通州事段紹隆墓祔太子詹事郭貫撰碑銘

祔

澤州長官申甫墓在申匠村教授劉德盛撰碑

明宣寧六王簡莊王和僖王恭安王康靖王昭榮王溫簡王墓胥在城東大嶺頭

隰川五王懿安王恭僖王莊隱王康肅王莊惠王墓胥

在城東北原

布政張忠公昺墓在上滾村

侍郎楊砥墓在城東南村胡儼誌其墓

尚書侯璉墓在城西勅修王直撰碑

廣西道御史司福墓在屋廈村

侍郎贈尚書孟春墓在金剛嶺勅修

棗強知縣贈太僕卿段豸墓在中村地名粽子墓

行人孟陽墓在大陽鎮勅建

陝西僉事司迪墓在白水村河北岾

鳳臺縣志

卷之十一

塚墓

十八

宜興縣知縣丁謹墓在張家嶺

米脂縣知縣丁讓墓在張家嶺

宜陽縣知縣司攷墓在屋廈村

貴州布政使郜相墓在王台村東

堂邑知縣司進墓在葉家河村東南

尚書裴宇墓在大陽鎮勅建

內邱知縣張珩墓在崗頭村東

保寧府知府苗煥墓在城東臨澤村羅喻義表其墓

侍郎張毅敏養蒙墓在大陽鎮勅建

尚書周盤墓在葦町村

給事徐觀瀾墓在金村

河陰知縣苗有土墓在下輦村

金吾衛指揮僉事苗廣土墓在下輦村

御史翟學程墓在翟家河底

御史王允成墓在江匠村

大理少卿張光前墓在上輦村

陝西布政司張光縉墓在郝匠村澤家嶺

叅政贈光祿卿張光奎墓在香山寺

鳳臺縣志

卷之十一

塚墓

十九

沐陽知縣程接孟墓在張家嶺

河內知縣丁泰運墓在張家嶺

正定知縣王緒宏墓在楊家窰

進士朱廷壻墓在屋廈村

國朝鄖陽巡撫苗胙土墓在感義里胡家莊

陝西叅議毛一豸墓在上輦村

工科給事中張京墓在西謝匠村畢振姬誌其墓

連山知縣朱三才墓在上輦村

海寧知縣張肇昱墓在郝匠村澤家嶺畢振姬誌其墓

甘肅道張肇昇墓在雲盤嶺

趙州知州張肇暲墓在司徒村

贈工部侍郎王國賓墓在城南楸木窰

贈吏部尚書陳昌期墓在樊山

大學士陳廷敬墓在樊山嶺李光地誌其墓

安縣知縣苗士寅墓在胡家莊

萬年縣知縣張勳知墓在浮山下

贈工部侍郎王自振墓在城南楸木窰

贈工部侍郎王璇墓在城東豐安村

鳳臺縣志

卷之十一

塚墓

二十

贈工部侍郎授明威將軍王珣墓在城西南常村

山東鹽法都轉運使司副使道王廷掄墓在城南二十

五里白雲阡

高密知縣李宏墓在申匠村北原上

南宮知縣孔文明墓在孟家店

樂亭知縣張德祁墓在大陽鎮東南

光澤知縣張文燦墓在河東村

崇寧知縣王宰墓在閩庄村

廣東僉事段藻墓在西義村馬連道

畧陽知縣馬如龍墓在巴公村南

掖縣知縣梁肯堂墓在城西馬匠

陝西神木道衛璠墓在西峪村

內閣中書張奕曾墓在郝匠村

鹿邑知縣馬麟友墓在城北書院村

工部左侍郎王廷揚墓在城西南常村

吏部郎中岳峻極墓在巴公村南

工部郎中郜超墓在項東村

翰林院檢討楊仙枝墓在屋廈村

鳳臺縣志

卷之十一

塚墓

一一

翰林院編修陳豫朋墓在魚山

寧晉知縣陳賁懿墓在梅莊

翰林院庶吉士陳隨正墓在鰲峯嶺

翰林院侍讀學士陳壯履墓在郭峪鎮

戶部左侍郎王鈞墓在豐安村

和州知州衛樞墓在太行山安莊

延平府遊擊孔毓潤墓在鍾家莊

彭縣知縣陳奕繩墓在城東謝匠村

贈朝議大夫刑部員外郎劉滋善墓在綿來山

廣東南韶連兵備道劉松齡墓在城東棋盤枰

邱縣知縣閻大綬墓在大陽鎮

直隸新城知縣王熙載墓在城西小山

刑部郎中王鏐墓在環秀山孫嘉淦誌其墓

陝西延綏榆道王鏜墓在豐安村

戶部員外郎秦嶠墓在城西呂匠村竇光鼐誌其墓

翰林院編修河南學政秦百里墓在城東北屋厦村

興漢鎮總兵官張大經墓在大陽鎮

川北兵備道呂元亮墓在城東小張村翁方綱誌其墓

鳳臺縣志

卷之十一

塚墓

一三一

安寧州知州衛熊章墓在孔匠村

進賢知縣李升庸墓在大箕村

紀事

周穆王五十年西巡逕絕翟道升於太行

襄王二十八年晉侯西伐巴蜀遷巴子於高都巴蜀周同姓國

地在汾州今澤地有巴公原

靈王二十二年齊侯伐晉入孟門登太行封少水

元王五年晉丹水反繫一作潔

六年晉澮絕於梁丹水三日絕不流

赧王十五年秦伐韓取南陽攻絕太行道

十六年韓以高都與東周雍氏之役韓徵甲與粟於東周君周君患之召蘇代與謀

代見韓相國說以與周高都是折周而入於韓也秦聞之必大怒不通周使是敝高都得完周也曷為不與相國曰善果不徵甲與粟與周高都

二十六年韓以故地歸魏初韓魏易地樊餘謂楚王曰魏有南陽則楚方城以外危

韓得二縣兼兩上黨以臨趙即羊腸以上危易成之曰楚趙皆輕楚王恐因趙兵以止易按韓魏易地年月莫考據史記魏王欲親秦伐韓以求故地無忌謂魏王曰秦不可恃當速受楚趙之約趙挾韓之質以存韓而求故地韓必效之此士民不勞而故地得且存韓安魏以利天下通上黨於共甯使道安成出入賦之是魏重質韓以其上黨也今有其賦足以富國韓必德魏而不敢反魏是韓則魏之縣也王善其

鳳臺縣志

卷之十一 紀事

言韓以故地歸

四十八年秦拔魏城焚垂都信陵君謂魏王曰秦從林

入國中邊城盡拔文臺墮垂都焚林木伐麋鹿盡而國繼以圍按三晉別無垂地惟高都有山名垂夏桀所居即垂棘也

五十五年秦擊韓於太行上黨降

秦莊襄王元年使蒙騫伐魏取高都括地志云高都故城今澤州

三年蒙騫伐魏高都汲拔之

始皇二十六年以高都隸上黨郡

漢高帝元年以左丞相韓信等擒魏王豹定魏地置上黨

郡陽阿侯國高都屬之

宣帝五鳳元年大熟

元帝初元二年閏月客星見昴分居卷舌東五尺許青白色長三寸

成帝陽朔二年秋關東大水流民欲入天井等關者勿

苛留

後漢建武元年馮異北攻天井關拔上黨兩城時異守孟津更始將

朱鮪屯洛陽異貽以書鮪不復與異爭鋒故異因此北下

王梁守天井關王梁為野王令與河內太守寇恂南拒洛陽北守天井關朱鮪不敢出世祖以

為梁功

鳳臺縣志

卷之十一 紀事

宗正劉延攻天井關延與田邑連戰十餘日延不能進邑迎母妻子為延所獲後聞更始

敗邑乃詣洛陽獻璧馬即拜為上黨太守

二年太行山賊為亂高都長鮑昱討平之太行山中有劇賊太守戴

涉署鮑昱為高都長討擊羣賊誅其渠魁道路開通

安帝永初三年大饑人相食

獻帝建安十年冬十月高幹據并州以兵攻濩澤徵馬

騰將兵擒斬之

三國魏元帝奐咸熙元年太行山崩

晉武帝泰始元年冬十二月鳳凰見上黨高都據本紀云是年郡國



癸鳳凰見各一  
未明指高都

三年春三月太行山崩

咸寧三年八月霜殺菽

大康元年雨雹傷禾 二年雨雹傷桑麥 三年大風

折木壞屋

惠帝元康四年秋災風傷稼 五年秋大風傷禾稼

懷帝永嘉元年王彌寇上黨東海王越遣淮南內史王

曠等討之

王彌寇上黨圍壺關越遣曠及安豐太守衛  
乾等討之戰於高都長平間大敗之死者十

七 六

鳳臺縣志

卷之十一 紀事

一五

二年夏大旱是歲劉淵陷太原諸郡皆下

淵自稱大單于遣劉曜下

屯留長子及  
泫氏高都

愍帝建興四年大蝗

民多  
流殍

東晉明帝太寧元年十二月大雪

成帝咸和三年石勒陷上黨

泫氏高都  
一時俱下

穆帝升平元年北燕取上黨及長子高都

帝奕太和五年秦王猛執北燕太守慕容越

郡縣  
皆降

孝武帝太元元年秋九月澤州旱饑井渴

舊省志  
開皇初改

長平郡為澤州  
不知何考

十一年慕容永稱帝於長子以高都為建興郡號西燕改元中

興

十九年西燕慕容永為慕容垂所滅垂發步騎七萬遣弟於晉陽永遣其將刁容慕容鍾率眾五萬屯潞州垂遣慕容楷出自滏口慕容濃入自壺關垂頓於鄴之西南月餘不進永謂垂詭道伐之乃攝諸軍還杜太行軹關垂進師入自天井關至於壺壁永率精兵五萬來阻河曲以自固馳使請戰垂列陣於壺壁之南農楷分為二翼慕容國伏千兵於深澗與永大戰垂引軍偽退追奔數里國發伏兵馳斷其後楷農夾擊之永師大敗斬首八千餘級永奔還長子城破數而戮之

北魏明帝永興四年建興郡獻白鹿

鳳臺縣志

卷之十一 紀事

二六

五年十月月掩天關 占曰有兵後漢澤民劉逸反討

平之逸自號征東將軍三巴王王紹署官屬攻逼建興郡兀城侯元屈等討而平之是年大赦西河張建

興王紹自以所犯罪重不敢解散

武帝太平真君五年改建興置高都郡

成帝和平五年復置建興郡

泰常七年冬十月車駕南巡出天井關司徒奚斤伐滑臺不克帝怒親

討之

八年閏月乙未幸河內北至太行山幸高都

宣武帝正始元年十月建興郡獻白鳩

宣武帝景明元年六月丁未靄霜殺禾

孝文帝太和十年四月建興瀋澤民家養蠶絲網成幕  
中有卷物似絹

孝明帝孝昌元年六月曲赦平陽建興

二年六月己巳曲赦建興正平等三郡

三年正月曲赦平陽建興

孝莊帝永安元年罷建興置州別置高都郡

三年十月誅尔朱榮尔朱世隆叛自太行退走詔尙書

行臺源子恭鎮太行丹谷討之子恭率步騎一萬出自西路遣楊昱李侃等募

鳳臺縣志

卷之十一

紀事

二七

敢勇士八千往  
從東路防討之

十月尔朱世隆攻克建州平北府長史陸士廉死之屠

其城刺史陸希質獲免

世隆攻建州刺史陸希質與長史陸士廉率衆拒守城陷世隆

殺人以洩忿盡屠之士  
廉不屈死惟希質獲免

十一月壬申尔朱世隆停建興之高都尔朱兆自晉陽

來會共推長廣王爲主改元建明

以前東荊州刺史元  
显恭爲都督建晉

三州諸軍事文武普加四級按本紀前云建州  
後云建興高都世隆傳又云建州長子史之自相矛

盾如  
此

十二月壬寅朔尔朱兆寇丹谷源子恭 奔都督崔伯

鳳戰死羊文義史五龍降

後廢帝中興二年春前廢帝右將軍建州大都督張悅  
以城降

出帝太昌元年七月以商隆之為驃騎大將軍率朱騎

十萬趨太行會齊王高歡北討尔朱兆

天平元年四月詔省建州齊王高歡拒不從

州刺史韓賢與高歡

同時起義故省建州以去賢拒之不從

是年六月齊王高歡遣三千兵鎮建興

益河東及濟州兵於白溝虜船

不聽向洛

鳳臺縣志

卷之十一

紀事

東魏靜帝天平三年八月建州霽霜大饑

四年四月齊王高歡以建州等郡霜旱人饑流散所在

開倉賑給

是年為西魏大統三年十一月西魏周王泰表楊擿行

建州郡事

東魏自沙苑之敗汾絳建州諸城有請為內應者周文表擿行建州事時建州遠在敵境

擿至建州東魏州刺史車折于洛出兵逆戰擊敗之又敗其行臺斛律俱於州西大獲甲仗軍資以給義

兵威名大振已而敵衆漸盛擿以孤軍無援遂引還周文嘉之後授建州刺史

武定六年齊王澄自洛陽從太行歸晉陽

於路遺書白寮相戒厲朝

野承風

北齊文宣帝天保元年冬十一月西魏周王泰代齊分

至建州齊主親戎禦之

周主泰率衆至陝城分騎北渡至建州齊主洋親戎出次城東

泰聞軍容嚴盛嘆曰高歡不死矣遂退師

八年蝗

北周武帝建德四年以梁國公侯莫陳芮守太行道

率衆一萬

爲伐齊也

宣政元年正月併長平高都二郡爲高平郡

靜帝稱大象二年相州總管尉遲迥舉兵石碓以建州

應之

鳳臺縣志

卷之十一

紀事

一九

隋文帝開皇三年罷高平郡置澤州以丹川隸之

煬帝大業二年帝幸恒岳還下太行

牛宏進位大將軍所定壇墀幣帛皆

如儀帝嘗引入帳內對皇后賜以同席飲食其禮遇如此

三年五月發河北十餘郡丁男自太行山達并州

以通馳道

十一年十一月己酉賊帥司馬安破長平郡

大業初於丹川置長

平郡有太行山

十二年并州王君廓亡命爲盜聚衆掠長平郡

唐高祖武德元年改長平郡置澤州復置建州建晉城以

隸之

舊唐書是年移丹川於源澤水北六年省建州徙蓋州來治以蓋城丹川隸焉九年俱省入晉城

二年太行山聖人崖有聲夏騶虞見

三年七月太宗遣劉德威自太行率衆圍河內會討王世充也

是年李靖兵出潞州道總管任環屯太行

八年廢建州置蓋州析置蓋城九年省丹川蓋城

太宗貞觀元年徙澤州置晉城

十一年鼠害稼 十五年疫 十七年夏疫 二十年

白鹿見

元宗開元十二年澤潞大旱帝設壇宮中親禱暴立三日雨卽降

八月霜傷稼

鳳臺縣志

卷之十一 紀事

天寶元年改澤州爲高平郡

肅宗至德二年置澤潞節度使治潞州

是年九月安慶緒陷上黨郡執澤潞節度使程千里

乾元元年澤潞節度使王思禮及安慶緒戰於相州敗

之

是年復改高平郡爲澤州

二年三月壬 王思禮等九節度之師潰於滏水光弼思禮

兵獨全

是年秋大旱自六月至九月無雨禾黍一空

三年四月庚子澤潞節度使王思禮及史思明戰  
千嶺敗之

上元二年澤潞節度使兼領沁州

寶應元年建卯月以郭子儀知朔方潞儀澤沁行營軍  
馬副元帥

是年以澤潞節度增領陳鄭邢洛四州

是年建巳月史朝義寇澤州刺史李抱玉敗之

代宗廣德元年澤潞節度增領河陽三城

大歷元年相衛六州節度賜號昭義軍

鳳臺縣志

卷之十一

紀事

三二

四年澤潞節度增領潁州

五年澤州嘉禾生大有年

德宗建中元年慶雲見於州南刺史李鷗具圖以獻詔却之

是年昭義軍節度兼領澤潞二州徙治潞州

二年昭義軍節度使李抱真會李晟馬燧討田悅戰於

臨洛敗之

三年四月以昭義軍節度副使盧元卿爲魏博招討使

六月李抱真等四節度及朱滔王武俊田悅戰於連

敗績

興元元年李抱真等及朱滔戰於京城敗之

貞元十五年九月詔河陽澤潞諸軍討吳少誠

憲宗元和元年罷澤潞等處貢鷹鷄從李絳請也

四年十二月羣鳥夜集太行山上五行志

十二年六月河中澤潞六州水害稼五行志

穆宗長慶元年以魏博昭義等軍討王廷湊時久無功白居易上

言兵多將衆號令不一宜詔澤潞四鎮令各守境以省度支每道各出銳兵三千令李光顏將之

二年二月昭義軍節度使劉悟囚其監軍劉承偕

敬宗寶歷元年昭義節度劉悟死其子從諫自稱留後

鳳臺縣志

卷之十一 紀事

劉悟死子從諫入朝遣歸鎮李絳上疏以為兵貴神速劉悟死已數月朝廷尙未處分中外人情共惜事機今昭義軍衆必不盡與從諫同謀且從諫未嘗典兵馬威惠未孚今朝速除澤潞一將充昭義節度使令兼程赴鎮從諫未及布置新使已至潞州所謂先聲奪人之心也時李逢吉等計議已定其謀遂寢

文宗太和元年昭義節度使劉從諫敗王廷湊於昭慶

開成二年澤州水害稼

武宗會昌三年四月昭義軍節度使劉從諫死子正自

稱留後詔河陽節度王元逵魏博節度何宏敬為征東

面招討使及節度陳夷行王茂元劉沔以討之

是年九月以忠武節度王宰兼河陽行營攻討使河陽



元別將營天井關為賊將薛茂卿所破執四將火十  
七柵張巨進攻萬善不能下茂元欲走會日暮賊自  
潰去詔忠武王宰以本軍入懷澤行營陳許士剽武  
賊衆素憚畏茂卿冀厚賞失望乃與宰通卽僞挑戰  
亟北委天井關去左右七營皆潰茂卿奔澤州使謀  
言於宰曰澤可取吾應於內宰疑不進失期茂卿被  
殺宰進破劉  
公直拔陵川

是年十二月王宰克天井關

朱邪赤心率代北騎軍三千隸石雄為前軍破石會

關助王宰趙犖從之攻下天井關

四年四月王宰踰乾河攻澤州七月昭義軍將裴問以  
城降

是年八月昭義軍將郭才殺劉正以降戊戌給復澤潞

鳳臺縣志

卷之十一

紀事

三三三

等州一歲

僖宗乾符四年昭義軍亂逐其節度使高湜

五年昭義節度使李筠討李國昌及李克用戰於涇谷  
敗績

廣明元年八月昭義軍亂殺其節度使李筠

中和元年八月昭義軍節度使高潯及黃巢戰於石橋  
敗績其將成麟殺潯入於潞州

是年九月昭義戍將孟方立殺成麟自稱留後

二年夏晝積陰六十日

三年十一月李克用遣李克修攻昭義孟方立取澤潞

二州方立走山東以邢磁洛三州自別為昭義軍

四年李克用南討黃巢出天井關克用以兵五萬救陳州出天井關假道河

陽諸葛爽不許乃自河中渡河

光啟三年孫儒陷懷州別將李罕之據澤州三年孫儒去河陽罕

之自澤州入孟州

文德元年河南尹張全義襲河陽李罕之出據澤州

昭宗龍紀二年六月昭義節度孟方立死弟遷自稱留

後叛附於李克用

鳳臺縣志

卷之十一 紀事

大順元年三月昭義節度使李克修卒其弟克恭自稱

留後

是年五月昭義軍將安居受殺節度使李克恭叛附朱

全忠遣李讜攻李罕之於澤州晉遣李存孝救之時梁軍圍

澤州軍中呼罕之曰公常恃太原以為命今太原已歸唐唐兵大集團太原沙陀將穴以自處公復誰恃

而不降乎存孝率精騎五千至以五百軍繞策而呼曰吾沙陀之未穴者待爾肉以食軍可令肥者出鬪

梁鏐將鄧季筠引軍出戰存孝舞稍擒之李讜敗走追擊至馬牢關還攻潞州全忠以孫揆為潞州節度

以三千卒為衛哀衣大蓋擁節先驅存孝以三百伏長子崖谷間俟揆過擒以歸梁將葛從周等聞之

委潞遁去

乾寧元年九月李克用殺昭義節度使康君立

光化元年十二月李克用取澤州澤州李罕之襲以降梁梁遣丁會

之嗣昭與會戰含山執其將一人斬三千人遂取澤州

二年三月朱全忠陷澤州

是年八月李克用取澤潞懷三州克用遣李君慶攻梁潞州為梁所敗酖殺

君慶李嗣昭攻破之

天復元年四月梁遣氏叔琮出天井關陷澤沁二州徐

懷玉屯澤州晉人攻之為隧以入懷玉擊之中晉人乃却

昭宣帝天祐三年晉遣李嗣昭攻梁潞州丁會降以嗣

鳳臺縣志

卷之十一

紀事

三五

昭為昭義軍節度使

梁開平二年梁主如懷州遂如澤州以劉知俊為潞澤行營招討使五月潞州

行營都虞侯康懷英及晉人戰於夾城敗績晉遣周德威屯亂柳以救潞懷不敢戰使李思安代之亦

無功梁主怒自至澤州以為援未幾為存勗所敗以百騎遁歸

是年晉攻澤州不克夾城之破牛存節收餘兵歸至天井關聞晉兵圍澤州存節顧諸將

曰吾行雖不受命然澤州要害不可失也舉策而先士卒隨之北至澤州州人已焚城外將降晉聞存節

至乃稍定存節入城助守晉人穴地道以攻之存節選勇士數十入穴地以應之戰於隧中敵不得入乃

去解

末帝貞明二年晉稱天祐十一年七月李嗣昭於澤州

開元寺鑄鐘以祈福

龍德三年三月潞州李繼韜叛附於梁澤州裨將裴約

死之

傳載藝文

後唐同光元年以昭義監軍張居翰為樞密使

是年徙華州節度鎮昭義

後晉高祖天成二年以朱漢賓為昭義軍節度使

漢賓依附安重

誨故授之

李漢元年稱天福十二年史宏肇取澤州

契丹以耿崇美為昭義節度屯

澤州宏肇克之

鳳臺縣志

卷之十一

紀事

三六

是年帝自太行路渡河

漢祖建義郭從義首贊其謀充東南行營都虞侯入汴以為河

北都巡檢使

後周太祖廣順三年河南北旬日無鳥既而聚澤潞山谷

集於林木樹枝壓折

世宗顯德元年北漢人來伐攻自潞州三月帝次澤州

閱兵北郊及北漢王劉晏戰於高原敗之

世宗即位北漢來攻下詔

親征以宋祖典禁兵率眾禦之戰將合指揮樊愛能先遁軍危宋祖麾同列馳馬衝其鋒漢兵大潰敗之

高原又追敗於高平乘勝攻河東諸城

宋建隆元年四月昭義節度使李筠結北漢契丹起兵詔

石守信等討之

李筠遣人殺澤州刺史張福往據其城求濟師於北漢主鈞與遼兵數萬援之

遣歸德節度使石守信往討五月遣慕容延釗王全斌將兵出東道來會五月石守信敗李筠於長平下詔親征命道進討己未發京師丁卯石守信高懷德督率諸軍破其衆於大會皆追敗之茶碾村擒僞節度使范守圖殺漢兵之援者數千人筠遁入澤州宋師圍之

六月有星赤色出心拔澤州筠赴火死

命埋胔骼釋河東相魏融禁剽

掠免澤州今年租移兵攻上黨筠子守節以城降赦之

是年八月南唐賀平澤潞

二年正月澤州刺史張詰坐李重進黨棄市

開寶二年水害秋苗

鳳臺縣志

卷之十一

紀事

三七

三年夏大旱

眞宗景德元年十二月詔澤潞等州放強壯歸農

大中祥符元年五龍躍於丹水

時方大旱民多饑禱雨不應至是五龍見雨澤

卽降歲大稔斗米數十錢

二年澤潞山中盜起太原人王信應募捕擒之

信應募與其徒

捕擒七十人以功補龍鑲指揮使

三年夏五月甘露降 四年春三月甘露降

五年冬十月澤州廳事生紫蓋芝

白莖二十一本

七年河東轉運使陳堯佐奏免石炭稅及鐵冶課三十

萬

八年陳堯佐奏請平治太行天井關道路詔從之

神宗元豐八年秋嘉禾合穗或異畝同穎

徽宗崇寧三年冬澤州芝草生

五年槐木連理

大觀四年槐木連理

政和四年槐木連理

宣和二年五月大陽湯廟芝草生

在梁間六莖競秀是後歲屢豐稔

欽宗靖康元年八月都統制折可求率師禦金兵潰五

鳳臺縣志

卷之十一

紀事

三八

靈山澤潞民皆渡河南奔

高宗建炎元年九月王彥及金人戰敗績奔太行山

裨將

岳飛引其部  
曲自為一隊

是年岳飛及金兵戰於太行大敗之

飛引兵益北與金人戰擒其將拓拔

耶烏居數日復遇敵單騎持丈  
八鎗刺殺黑風大王敵衆敗走

是年太行山忠義社梁興等以義兵歸岳飛

累戰皆捷兩河豪傑

山砦韋銓孫諤等斂兵以待王師澤潞晉絳之境期  
日舉兵以會官軍皆揭旗以岳為號自燕以南金號  
令不行會沮  
於和議而止

金太宗天會四年宋宣和二年也二月宗翰下隆德府軍

次澤州

宋使至軍中始知割三鎮講和事  
會宋澤州知州來犒師遂解去

是年十一月宗翰取澤州宋知州高世由以城降撒

合等破天井關

宗翰自太原趨汴降威勝軍克隆德府  
撒刺合等先已破天井關進逼河陽高

世由以澤州降後為金留  
守洛陽義兵翟興擒斬之

十八年太行山賊嘯聚知州王伯龍平之

熙宗天眷元年太行山賊梁小哥為亂南京都指揮使

徐文討平之

三年夏五月地震

驚死者  
數百人

皇統三年三月戊子五龍見於丹水

鳳臺縣志

卷之十一

紀事

三九

貞祐二年完顏弼出澤潞赴闕

時雲中已受兵弼善馬  
稍從數騎突出由太原

至澤從清  
滄赴闕

宣宗貞祐四年以州屬昭義軍隸孟州尋改隸潞州

從必

蘭阿魯帶之  
請也見藝文

興定六年元兵攻澤州五年攻天井關皆拔之

元光元年七月上黨公張開復澤州

二年改州為忠昌軍置節鎮

哀宗正大元年九月樞密判官移刺蒲阿復澤潞

獲馬  
千匹

六年移刺蒲阿再復澤潞

天興二年金亡恒山公武僊兵潰奔天井關為戍將所

殺武僊降元復歸於金擁兵十萬為自固計屢檄勤王不至又要殺忠臣盧芝石玠進退失據兵潰從數人

渡河北至澤州為戍將所殺

元太宗四年丁酉太師木黎華兵至澤州承制以耶律忒

末為安撫使

詔諭木黎華曰太行之北朕自經畧太行以南卿其勉之木黎華以忒末為安撫使

兼澤潞元帥進兵澤潞降其民六千戶

是年澤州人段直等以義兵歸承制授官有差

段直與同郡申

甫趙唐等見金末兵亂皆團練鄉勇結砦自固至是率義兵歸順水黎華承制授直本州長官甫鎮撫官

唐為次官劉福景遇元帥府都尉

鳳臺縣志

卷之十一

紀事

四十

憲宗寶祐元年徵前進士李俊民至都尋放歸

世祖在藩邸因

竇默之薦連以令旨馳徵至都詢問治道以年老辭歸加號莊靖先生屬以尚推舊學善誘諸生為國家

培植人才仍以姪孫仲修為後命有司段直等以時奉贍無忘敬禮令旨共五道刻於學宮石壁

世祖中統元年夏五月饑 八月旱民饑

勅賑之

十二年命太行山諸處修立堡寨

上以太行一帶東至平灤西控關陝應有

險阻於附近民內選諳武事者修立堡寨守禦

至元二十年六月沁河水湧溢壞民田

二十七年蝗八月沁水溢

二十九年獻嘉禾



成宗大德七年八月朔丁亥地震

時夜將半大風起須臾地震如搖櫓狀官

民廬舍多壞

十一年庚戌地震

先是上都地震壞及宮寢至是地亦震自午及申凡三日乃止

順帝至元三年八月大霖雨

至正十七年十月曹濮賊入太行山

十八年察罕帖木兒分兵屯澤

曹濮賊踰太行焚掠烽火數千里察罕帖木兒

伏兵南橫擊之賊皆走山谷間乃分兵屯澤州塞碗子城井徑吾兒峪諸隘口賊屢至皆擊却之河東悉定

十九年察罕帖木兒出兵太行

察罕重兵統太行營壘旌旗相望數千里以復

鳳臺縣志

卷之十一

紀事

四一

東山

二十八年大饑

是年二月擴廓帖木兒自彰德退軍屯澤州

上以擴廓跋扈不擴廓

貊高關保列其罪狀聞於朝詔落職九擴廓所總諸軍令白鎖住虎林赤領之擴廓既受詔退屯澤州又命秃魯李思齊等與關保夾攻澤州擴廓退守平陽關保與貊軍合據守澤潞二州尋為擴廓所擒

明洪武元年僉大都督府事陳德破澤州磨盤寨獲元參

政喻仁

遂會大兵克平陽

是年九月馮勝湯和取澤州

率軍至碗子城破其取澤州守將賀宗哲等

遁留兵戍守

四年麥秀兩岐知州李祥以獻

二十年嘉禾異畝同穎

二十一年遷澤潞民於彰德正定歸太康上以澤潞多山少遷其

無業者於諸閒曠之地令自耕種免其徭役三年仍備鈔錠以備耕具

永樂元年詔澤潞等州無田民分赴裕州墾荒

十年布政使周璟奏澤潞等處應運大同草束就近給

驛詔從之璟奏言草束交納往來三千里民用困乏而邊地平川秋多青草以時採貯可以足用

十二年夏大旱 秋八月朔甲子霖雨害稼

景泰元年秋七月戊午隕霜殺穀

鳳臺縣志

卷之十一 紀事

天順六年歲大饑斗米千錢民易子而食

成化三年虎白日噬人都御史李侃遣捕之

九年大旱

十一年大水河瀑漲北城圯

十七年免澤潞等州去年夏秋稅

二十年大饑民多疫死生者至相食詔遣戶部移河南山東二省粟賑之仍免田租之半

正德八年夏六月蝗 秋八月大水無雲而雷震既而大風雨平地水深

丈餘漂沒民田四千頃有奇

十二年黑青見秋大水丹河溢臨河村舍多漂沒

嘉靖二年春大風飛沙三日麥苗多壓死

五年地震

百姓驚恐相與抱持伏於野不敢入室

七年澤州旱蝗饑

十一年春雨雹 冬十月星隕如雨

十六年蝗

二十年夏六月大風傷稼

三十四年雨黑子如蠶沙 冬十二月地震

三十五年秋地震

四十二年春天鼓鳴

鳳臺縣志

卷之十一

紀事

四二

四十五年黑青見

隆慶四年夏大水漂廬舍人多覆沒

六年夏六月西北天裂湏臾而合越三日天鼓鳴又七

日日現三環

萬歷十四年大旱

春夏不雨民間老穉剝樹皮以食疫大興死者枕相藉詔發帑賑之

十五年大旱

民饑疫死亡如故

十六年春地震大疫

民戶有全家殞歿者

十八年隰藩房脊螭戰吐火踰時方熄

三十三年城西煤窑烟火數月不滅

三十七年秋大旱禾盡死民大饑

崇正四年猗民據水峪反冀南道王肇生討平之

丞胙土平猗奏捷序見藝文

五年流賊犯澤州客將吳開先擊却之

賊掠大陽鎮州西客將吳

先與戰敗去追至王壁村賊遁尋至留墩戰死

是年九月賊陷澤州在籍參政張光奎父子死之

事見人物

本傳

是年總兵曹文詔擊賊於太行山敗之

紫嶺距州城十五里為太行山

通清化要路劉令譽遣曹文詔邀擊之行兵稍緩尾其後斬二百五十二級賊屯老營於漢高城文詔會

鳳臺縣志

卷之十一

紀事

四四

鄧圯往勦賊遣弁婦女驟馬甚兵貪餌賊遂逸去

是年副總兵左良玉兵駐澤州

河南巡撫樊尙璟奏請左良玉駐兵澤州扼豫

晉咽喉可四面為援兵詔從之仍令良玉受尙璟節制與曹文詔同討賊有急則秦兵東豫兵西良玉兵

從中橫擊六年良玉連敗賊兵

六年三月賊犯澤州臨洮總兵曹文詔大敗之

賊從河內上太

行犯澤州文詔大敗之賊走潞安初文詔至陽城遇賊不擊自沁水潛師還擊之斬首千餘四月賊犯州

西秋蘿李寨村副將李甲駐周村兵單不前俄文詔至時漏下三刻襲於潤城斬一千五百級至六月左

良玉破賊懷慶賊盡奔太行山

七年大旱饑人相食

十二年豹入城

十三年大饑夏秋無麥禾

斗米千錢民多餓死人相食

十六年高傑奔澤州

李自成破關陝高傑北渡河絕津自守自成遣別賊攻陷平陽

奔澤州

國朝順治元年賊劉芳亮據澤州 大兵至潰去九月賊

劉忠破葦町堡

六年賊陳杜張斗光據州反伏誅

時姜逆反於大同二人詐稱其黨招集羣

賊據州為亂大兵至皆伏誅

十五年澤潞營兵王士秋妻一產三男

鳳臺縣志

卷之十一

紀事

四五

康熙二年春正月天鼓鳴

十五年大風拔木屋瓦飛

二十五年天鼓鳴有大星隕光燭數里是秋大稔

二十七年大水

二十九年夏五月澤州黑蟲食禾

結為繭大小各異形

三十年夏五月旱無麥六月蝗食苗七月蝻生歲大饑

民多流亡發粟賑濟免田租

三十一年元日大風春不雨疫大作

死者甚衆

三十四年夏四月地震

與太原等同日地震旬日次城

帑賑濟并散貧民修葺  
西安庫帑修築城垣官廨學舍

四十一年大疫喉腫即死

四十四年大有年

四十七年旱

雍正四年大有年

六年陞州爲府置鳳臺縣附郭

七年歲大稔是年八月以連歲豐登詔免庚戌年通省銀四十萬又以民踴躍急公辦駱駝鞍

屛不勞而集免辛亥年通省地丁銀二十四萬

八年歲大稔

鳳臺縣志

卷之十一 紀事

九年 十年俱大有年

十三年大熟

乾隆元年大赦

二年大水晉普山諸澗水瀑發平地深數丈漂沒田廬民多溺死者

十六年五月三十日丹水溢旬日無陰雨河水陡漲逆流向高阜自高都至龍門

冲沒田廬淹斃人畜不可勝計時有登高望者見水面紅燈亂點往來多車馬人物及水消視其地有

蹄跡或以爲蛟出爲害也發帑賑恤免田租十分之一

十八年大有年

二十六年縣民陳全妻一產三男官給有

三十一年田租全行蠲免

四十二年歲歉

四十三年夏無麥

四十五年蠲免田租

四十七年歲大熟

鳳臺縣志卷之十二終

鳳臺縣志

卷之十二

紀事

四七